



Directiva tier igl uorden disciplinar

tier art. 6

art. 6 Apparaturas electronicas (handy, ipod, ipad, etc.)

Apparaturas electronicas (handys, ipod, etc.) ston esser sclaussas durant il temps da scola (incl. pausas, occurrenzas da scola, midadas da liug da scola ...) e buca veseivels.

Reglas partenent igl agir cul telefonin etc.

Per las casas da scola a Cuschnaus, Lumbrein e Vrin vala: Aschigleiti ch'ins ei sigl areal da scola, ein las apparaturas electronicas da tschentar ora. Ellas astgan vegnir tschentadas en per suenter haver bandunau igl areal da scola.

Per igl areal da da scola a Vella: Aschigleiti che l'instrucziun entscheiva la damaun e da miezgi (v.d. tier l'emprema scalinada), ein las apparaturas electronicas da tschentar ora.

En casa da scola ein las apparaturas electronicas, adina tschentadas ora¹. Suletta excepziun fuorma l'aula durant la pausa da miezgi.

Las apparaturas vegnan deponidas el turnister ni ellas caultschas, denton buca veseivlamein.

Las apparaturas restan sclaussas durant l'instrucziun, ellas pausas (era tier midadas dalla casa da scola, dil liug da scola) e durant las lecziuns denteren. Ellas astgan vegnir tschentadas en per suenter haver bandunau igl areal da scola.

Las personas d'instrucziun ni il menader da scola astgan dat tut temps controllar sch'ils apparats ein tschentai giu diltut ni buc.

Scolaras e scolars che fan diever dalla meisa da miezgi, astgan duvra lur apparaturas aschispert ch'els bandunan il Da casa tochen l'entschatta dall'instrucziun. Els astgan denton buca disturbar il contuorn (p. ex. cun tedlar musica dad ault).

Scolaras e scolars ch'ei sfurzai da telefonar ni da scriver sms durant las pausas, san dumandar las personas d'instrucziun per lubientscha.

Las reglas valeivlas durant projects, camps, viadis da scola, etc., vegnan definidas dalla(s) persona(s) responsabla(s) e comunicadas ordavon a scret al menader da scola per l'approbaziun. Las reglas ein valeivlas per l'entira gruppa.

In'excepziun da tut ils scamonds da far diever dil telefonin ein cass urgents (tier accidents, per almar pumpiers, ...).

¹ vul dir tschentaus ora diltut e buca mo "senza tun"



tier art. 7

art. 7 Viadi a scola

¹ Per il viadi a scola han ils geniturs (ni las persunas cun autoritad d'educaziun) la responsabladad e l'obligaziun da survigilanza. L'excepziun fuorman ils transports organisai entras la scola.

Cunquei ch'ils viadis da scola ei per ordinari cuorts, ni ch'in transport organisau dalla scola stat a disposiziun, recumandain nus tut ils geniturs, da tarmetter lur affons a pei ni cul transport organisau a scola.

Nus essan dil meini ch'igl ei buca prudent ch'ils affons fan il viadi da scola cun moped, skater, calzera da rodas, skooter eav. Era il viadi cun velo fan ils affons sin atgna resca.

A Cuschnaus, Vella, Lumbrein e Vrin ein ils velos da deponer sistematicamein el plaz previu ed indicau dil menader da scola.

Mopeds ed auters vehichels (excepziun velo) san buca vegni deponi sils plazz da scola da Vella e Cuschnaus. Las persunas cun autoritad d'educaziun che lubeschan a lur affons il viadi da scola cun moped, ston procurar sez per in parcadi legal.

Las reglas da traffic generalas ein da risguardar.

La scola surpranda negina responsabladad per donns ed enguladetschs.

Duront il temps da scola (incl. temps da canorta a Cuschnaus) ei scumandau dad ir cun velo ni cun auters mieds sigl areal da scola.



tier art. 8

art. 8 Puniziuns disciplinaras

¹ *Surpassaments viers igl uorden disciplinar vegnan puni cun reprimandas, lavurs da castitg, arrest ni cun ina lavur speciala sut survegionza.*

² *Durant igl arrest duei il scolar vegnir survegilaus. Il cuoz maximal pigl arrest e per las lavurs specialas munta a 6 mezs dis.*

³ *Il geniturs (representanza cun dretg d'educaziun) ein d'informar davart mintga mesira disciplinara entras l'istanzas che decida.*

Da principi ei la persuna d'instrucziun che dat in castitg era responsabla per l'execuziun da quel.

Arrests han per ordinari liug la mesjamna suentermiezdi. Las persunas d'instrucziun san denton era ordinar arrests durant auters temps. La survegionza sa vegnir delegada e succeda per regla tenor in turnus reglaus intern.

Tier arrests duein ils geniturs vegnir informai. Tier arrests cuorts (ex. star anavos da miezdi ni las quater) informescha la persuna d'instrucziun ils geniturs. Tier castitgs dad in miezdi informescha la persuna d'instrucziun da classa. Tier in castitg da plirs mezs dis (tier il medem cass) informescha per regla la direcziun da scola.



tier art. 9

art. 9 Cumpetenzas

¹ La persuna d'instrucziun e la direcziun da scola san ordinar ina reprimanda a scret ni a bucca, lavurs da castitg ed arrest tochen a 3 mezs dis per cass.

² Il cussegl da scola ha la cumpetenzza d'ordinar tut las puniziuns disciplinaras pusseivlas.

Tier ina reprimanda a scret entras ina persuna d'instrucziun duei la direcziun da scola vegnir informada.

Persunas d'instrucziun san ordinar maximalmein dus mezs dis d'arrest ni lavur speciala. Tier in castitg da dus mezs dis duei la direcziun da scola vegnir informada immediatamein. Sche pusseivel duei quella vegnir contactada avon ch'ordinar il castitg.

La direcziun da scola sa ordinar castitgs da tochen treis mezs dis per cass.

Tier cass disciplinars da tochen dus mezs dis ha la persuna d'instrucziun da classa il tgamun. Tier cass pli grevs surprenda per regla la direcziun da scola il tgamun. Cass disciplinars che ston vegnir tractai dil cussegl da scola vegnan tgamunai dalla direcziun da scola e preparai corrispudentamein.